

նութեան դիրքը, հասկանալի պատճառով, գիծ չէ: Մինչ՝ մեր գրացիք չունին արտաքին վտանգի մտահոգութիւն, ընդհակառակը ձեռննտուութիւն այդ կողմից, մենք նման խնդիրներին մօտենում ենք առաւելագէս արտաքին վտանգի մտահոգութիւններով ծանրաբեռնուած, թէեւ մեզ վրացիներից ու թաթարներից անջատող ուրիշ նկատումներ եւս կան:

Վերջիններս ձգտում են «Կովկասի Միութեան» մէջ առնել նաեւ Հիւսիսային Կովկասի լեռնականներին, մի բան, որ Հայաստանի հաշուին գալ չէ կարող: Ապա, վրացիք եւ թաթարները իրենց նպատակին հասնել ձգտում են՝ յենուած արտաքին ուժերի վրայ եւ նրանց անկախութեամբ: Թէեւ իրենց ղեկավարները, գոնէ վրացիք, բացէ ի բաց ժխտում են նման վերագրումն, այդ համարելով կատարեալ գրպարտութիւն, բայց եւ այնպէս աւելի քան հաւանական է օտար սադրանքների պարագան:

Այս վերջինների թւում են եւ կամ առհասարակ լինել կարող են՝ Տանկաստանը եւ Լեհաստանը: Սակայն առանց Անգլիայի — թէեւ անտեսանելի — թեղաբլուրեան եւ ծրագիրների, այլ եւ առանց նրա դործօն ձեռննտուութեան՝ անյաջողութեան է գատապարտուած ամէն մի նման ծրագիր:

Օտար ուժերի միջամտութիւնը Կովկասի գործերում՝ բացարձակապէս ժխտելի է հայ ազգային քաղաքականութեան համար, որչափ եւ նա հակաբողջեւիկ, անգամ հակառուս լինի: Եւ այդ՝ ոչ միայն Տաճկաստանի, որպէս արտաքին ուժի, այլ եւ առհասարակ բոլոր շահազրգուած պետութիւնների հանդէպ: Հին աէրը նորով փոխելու գաղափարը, լինի նա մինչեւ իսկ ամենէն «քաղաքակրթուածը, խոստմնալիցը եւ դեռմիկրատականը», մեզ համար ժխտելի է եւ յառաջունէ՛, առանց նրա դէմքն իսկ տեսնելու եւ նրա ծրագիրը քննելու:

Տեսնում ենք ուրեմն՝ այստեղ էլ հայ քաղաքական շրջանակներն են, բոլջեւիկ թէ հակաբողջեւիկ, որ մտածողութեան ընդհանուր կողմեր են յայտնաբերում: Հայ բոլջեւիկները թէ՛եւ շարունակ «Դաշնակներին» երեւակայական, հակախորհրդային դաւերի մէջ են մե-

ղադրում, բայց ի հարկէ իրենք էլ չեն հաւատում իրենց ասածներին ու գրածներին: Եւ սակայն, մինչ նրանց քաղաքականութեան ելակէտը համայնավարութեան եւ խորհրդային կարգերի շահերն են — այլապէս նրանք պարտաւ են ամէն մի ուրիշ Ռուսաստանի դաւելու ու դաւադրելու, հայ ազգային քաղաքականութեան միակ եւ համայնապարփակ ղեկավար սկզբունքն է, ընդհակառակը, հայ ժողովուրդի գերագոյն շահը, Հայաստանի ապահովութիւնը եւ նրա բարգաւաճումը — լինի նա խորհրդային թէ այլ վարչակարգի տակ: Բողջեւիկների համար Հայաստանը Հայաստան է, որ չափ ատեն որ նա խորհրդային է, իսկ մեզ համար նա Հայաստան, եթէ նա մինչեւ իսկ խորհրդային է: Նրանց «ռուսական օրինատացիան» բոլջեւիկով է սկսում եւ վերջանում, իսկ մեր «ռուսական օրինատացիա»-յի սկիզբը եւ վախճանը Հայաստանի՛ գերագոյն շահի գիտակցութիւնն է: Եթէ մի օր նոյն այդ շահը հակառակը թելադրէ, հայ ազգային քաղաքականութիւնը ո՛չ միայն խորհրդային կամ ցարական, այլ եւ առհասարակ ամէն կարգի եւ անուան Ռուսաստանի դէմ պիտի ծառանայ: Այդպիսի մօմէնտներ եղել են, նրանք նորէն վերագառնալ կարող են: Ահա ա՛յդ մոմենտն է նաեւ, որ երբեք մոտացութեան պէտք չէ տալ:

Այնպէս որ, վերջին հաշուով, պարսպ խնդիր է ռուսական կամ հակառուս քաղաքական հակաման եւ կամ առհասարակ «օրինատացիայի» խնդիրը: Ինչպէս ուրիշ առթիւ ասել եմ՝ ամէն մի քաղաք-հակում արեւածաղիկի հակամար հաւասար արժէք ունի. նայած թէ քո երկրի, քո ժողովուրդի համար ո՛ր կողմից է աւելի օգուտ սպասուում:

Ժողովուրդները եւ հայրենիքները յաւիտենական արժէքներ են եւ ինքնանպատակ մեծութիւններ, ուստի եւ վէժ ժայռի նման հաստատուն պիտի լինի հաւատքը դէպի այդ մեծութիւնները, մինչ օրինատացիա ասածը քամու պէս փոփոխուել կարող է, նայած թէ ի՛նչ կերպ հնարաւոր է ազգի գերագոյն շահը պաշտպանել: Որով՝ ամէն մի ազգ իր իսկ մէջ որոնելու է բոլոր տեսակի «օրինատացիաների» սկիզբը եւ վերջը: